

Skýrsla til sveitarstjórnar frá sveitarstjóra, skrifstofu og stofnunum sveitarfélagsins

Júní/júlí 2016

Markmiðið með samantekt þessari er að efla upplýsingaflæði milli stofnana sveitarfélagsins, til sveitarstjórnar og til íbúa. Sveitarstjóri, forstöðumenn og starfsmenn skrifstofu taka saman helstu verkefni liðins mánaðar auk þess að gera grein fyrir áætluðum verkefnum komandi mánaðar. Það er von okkar að með þessu náist að varpa meira ljósi á það sem er í gangi í sveitarfélaginu á hverjum tíma og hvað er framundan. Hver og einn starfsmaður vinnur sinn part skýrslunnar og er engu breytt, því getur formið verið breytilegt.

Frá sveitarstjóra – Andreu K. Jónsdóttur

Auk venjubundinna daglegra starfa voru verkefni sveitarstjóra helst þessi í maí:

- 22. Júní – fundur með stjórn HSS þar sem farið var yfir drög að styrktarsamningi sveitarfélagsins við HSS. Fulltrúar HSS voru: Vignir Örn Pálsson, Hrafnhildur Þorsteinsdóttir og Ragnar Bragason en fyrir hönd sveitarfélagsins voru Íris Ósk Ingadóttir, Ásta Þórisdóttir auk sveitarstjóra.
- 23. Júní – forstöðumannafundur þar sem farið var yfir niðurstöður síðasta sveitarstjórnarfundar og verkefni framundan.
- 24. Júní – Vignir Örn Pálsson kom og undirritaði styrktarsamning fyrir hönd HSS.
- 27. Júní – starfsviðtal vegna afleysingastarfs leikskólastjóra. Aðalbjörg Signý Sigurvaldadóttir hefur verið ráðin í afleysingastarf sem leikskólastjóri í fæðingarorlofi Ölmú Benjamínsdóttur.
- 6. Júlí – stjórnarfundur AtVest á Hrafnseyri. Stjórn skipti með sér verkum og er ég áfram formaður stjórnar félagsins.
- 11. Júlí – fundur sveitarstjórnar til að undirbúa skjal til Vestfjarðanefndar.
- 14. Júlí – Stjórnarfundur AtVest þar sem farið var yfir stöðu starfsmannamála.
- 21. Júlí – 2. Ágúst – skrifstofa lokuð vegna sumarfría
- 27. Júlí – fundur með Vestfjarðanefnd á Drangsnesi, fulltrúar Strandabyggðar voru Ingibjörg Emilsdóttir og ég. Töluverð samskipti og undirbúningur dagana á undan til að koma fundinum heim og saman.
- Í júlí og júlí hefur eðlilega verið mikið um sumarfrí og venjubundin störf raskast af þeim sökum. Gera má ráð fyrir sumarfríum út ágústmánuð.

Ágúst - september - framundan:

- 9. ágúst – sveitarstjórnarfundur
- 10. ágúst – fundur með fulltrúum frá Landsneti vegna tengipunkts í Djúpi
- 23. ágúst - Starfamannasamtal, það síðasta í röðinni
- 24. ágúst – fundur í Svæðisskipulagsnefnd
- 31. ágúst – Svæðisskipulagsnefnd, gestastofa
- 2. – 3. september – Haustþing Fjórðungssambands Vestfirðinga

Frá skólastjóra – Hrafnhildur Guðbjörnsdóttir

Maí

Segja má að maímánuður hafi einkennst af fræðsluferðum, fundahöldum, viðburðastjórnun og nýju námsmati í 10. bekk og uppsetningu þess og frágangi í Námfús.

Ljósmyndari kom og tók bekkjarmyndir og einstaklingsmyndir af öllum nemendum grunnskólans. Sálfræðingur var með viðtöl og skilafundi einn dag og hjúkrunarfræðingur heimsótti unglingadeildina.

Nemendur í 8. -10. bekk sóttu ásamt fleira góðu fólki námskeið í LARP (Life action role playing) helgina 7. og 8. maí. Námskeiðið heppnaðist svo vel að ákveðið var að „larpa“ aftur 31. maí og var það einnig vel heppnað og lærdómsríkt.

Glæsilegt umhverfisþing í Strandabyggð var haldið 11. maí að frumkvæði Ástu Þórisdóttur með mikilli þátttöku nemenda og sem áttu drjúgan og mikilvægan þátt í þinginu ásamt kennurum. Nemendur fluttu leikritið Ruslaskrímlið, fóru yfir sögu Grænánans í Grunnskólanum á Hólmavík, fluttu ljóð buðu gestum upp á veitingar í kaffihléi og fluttu umhverfislag skólans sem Íris Björg Guðbjartsdóttir samdi og gaf skólanum.

Þá var skólanum afhentur þrívíddarprentari sem nemendur og starfsfólk Grunnskólans hafa safnað fyrir með stóru orkusparnaðarverkefni í vetur. Þrívíddarprentarinn var keyptur að utan, kom til landsins í frumeindum og var settur saman af Svani Kristjánssyni bókaverði.

Tónleikar Tónskólans voru haldnir í Hólmavíkurkirkju 18. maí við góðar undirtektir og nemendur Tónskólans spiluðu líka á stofutónleikum á Heilbrigðisstofnun og í Leikskólanum. Stjórnendur voru tónlistarkennararnir Vera Ósk Steinsen og Gunnur Arndís Halldórsdóttir.

Í hreyfivíku (move week) 23. – 27. maí sáu nemendur hvernar bekkjardeildar um morgunleikfimi í skólanum sem tókst mjög vel og hefur verið hluti af öllum hreyfivíkum sem skólinn hefur tekið þátt í. Að auki var að þessu sinni haldið Rathlaup og er það í fyrsta skipti sem slíkt er gert á Hólmavík.

Nemendur í unglíngadeild fóru á slóðir Laxdælu í lok mánaðarins með umsjónarkennara sínum Kristjönu Eysteinsdóttur, nemendur á miðstigi fóru til Súðavíkur á Melrakkasetur, í Raggagarð og í sund í Reykjanesi með Ingibjörgu Emilsdóttur og Helgu Ingvarsdóttur, nemendur í 3. og 4. bekk heimsóttu Hvammstanga og fóru á Selasetur og tjaldsvæði með viðkomu á Laugarbakka ásamt Kolbrúnu Þorsteinsdóttur og Jóhönnu Guðbrandsdóttur. Þá heimsóttu nemendur í 1. og 2. bekk og umsjónarkennari þeirra Vala Friðriksdóttir, Sauðfjársetrið og um leið fóru hænuungar bekkjarins til sumardvalar á Sævangi. Þar fór nemendur í fjöruferð með Náttúrubarnaskólanum. Allt afar góðar ferðir og nemendur voru til fyrirmyndar sem og móttökur á hverjum stað.

Hinn hefðbundni vordagur var á fyrsta degi júnímánaðar. Boðsgestirnir komu að vanda úr leikskólanum og fjölskyldum barnanna. Kraftakeppni, spákona, sápukúlur, andlitsmálning og grillaðar pylsur voru fastir liðir eins og venjulega

Nemendur í 3. og 4. bekk sem tóku þátt í verkefni Skáksambandsins í vetur fengu Stefán Bergsson skákkennara í heimsókn og þá var slegið upp skákmóti. Nemendur í 1.-4. bekk héldu sýningar á verkum sínum og buðu foreldrum í heimsókn. Sömu nemendur létu sig umheiminn varða og söfnuðu dágóðri upphæð fyrir börn á flóttu sem voru svo afhent Unicef. Nemendur í 5.-7. bekk tóku þátt í söfnun ABC – börn hjálpa börnum og söfnuðu einnig góðri upphæð. Matjurtagarður var plægður upp og afgirtur við skólann og þar settu nemendur miðstigs niður kartöflur en ráðgert er að rækta fleiri tegundir á næsta ári.

Rafræn prófun Menntamálastofnunar á samræmdum prófum í 3. bekk var gerð í lok maímánaðar en gekk ekki upp vegna þess langa tíma sem tók að sækja prófið. Nemendur í 3. bekk fengu ágætis æfingu í þolinmæði en augljós er nauðsyn þess að fara hið snarasta í að laga þann rafræna flöskuháls sem tæknimenn telja að sé á netinu inn í skólann. Sami vandi, hægagangur og hökt birtist einnig í hvers kyns mynd- og hljóðvinnslu nemenda í kennslustundum. Fyrsta samræmda prófið á komandi hausti er 22. september nk.

Starfsmenn grunnskólans luku 8 klst námskeiði í skyndihjálpi á vegum Rauða krossins. Leiðbeinandi var Ingibjörg Emilsdóttir.

Skólastjóri sótti fundi umhverfisnefndar, nemendaverndarráðs, fræðslunefndar og fundi forstöðumanna í Strandabyggð auk kennarafunda, funda vegna starfsmannaráðninga, skilafunda leikskóla og grunnskóla.

Júní

Mikil vinna var lögð í nýtt námsmat í 10. bekk Að sama skapi fór mikil vinna fram í lok maí og byrjun júní, daga og nætur, í samstarfi við skólakerfið Námfús sem vann að framsetningu á námsmatinu. Næsta vetur verður nýtt námsmat sett fram fyrir alla bekki. Viðamikil verkefni framundan sem vilji er til að standa sem best að.

Skólaslit voru föstudaginn 3. júní í Hólmavíkirkirkju og voru vel sótt sem fyrr. Einkunnir voru afhentar, viðurkenningar veittar með bókagjöfum Lions klúbbsins og Foreldrafélagið færði skólanum rausnarlega gjöf tvær iPad tölvur. Útskriftarnemendur áttu skemmtilega innkomu og fluttu ræðu sína með miklum myndarbrag.

Eftirtaldir starfsmenn létu af störfum við skólann: Lára Jónsdóttir, Íris Björg Guðbjartsdóttir, Elísabet Kristín Kristmundsdóttir og Jóhanna Kristveig Guðbrandsdóttir. Þeim er þakkað frábært samstarf og óskað velfarnaðar á öðrum vettvangi.

Vel gekk að ráða starfsfólk til skólans og flestar stöður voru mannaðar við skólaslit. Ný störf voru auglýst í tengslum við sérkennslu og ráðningu í þau lauk í júní. Mörg viðtöl fóru fram vegna þessa Skólastjóri sótti meðal annars fundi fræðslunefndar auk kennarafunda, starfsmannafunda og funda vegna vinnumats.

Unnið var að skýrslugerð tilheyrandi skólaárinu, tekið til í kennslustofum, gengið frá vorskýrslum og kennslugögnum komið fyrir. Þá var unnið í ráðningum starfsfólks og skólastjóri sótti fundi fræðslunefndar og vinnufundi með sérkennsluteymi skólans. Áætlanagerð, skipulagsvinna og uppsetning nýs skólaárs í Námfúsi tók einnig sinn tíma.

Júlí

Í júní og áfram í júlí var unnið að endurbótum í skólanum með gluggaskiptum og klæðningu á framhlið gamla skólans. Þessu fylgdi nokkurt umstang og tilfærsla á húsgögnum og tækjabúnaði skólans til að hægt væri að komast að við vinnuna. Skipt var um alla glugga í „gamla skólanum“ og síðan unnið að frágangi á þeim og klæðningu. Smíðir, múrarar, pípu lagningamaður og rafvirki hafa átt aðkomu að verkinu. Þörfin fyrir þessar endurbætur kemur greinilega í ljós þegar farið er að hreyfa við einhverju. Verkið hefur gengið hratt og örugglega og útlit er fyrir að kostnaður við verkið verði lægri en ráðgert var og þar af leiðandi möguleiki á meiri vinnu án þess að fara fram úr fjárhagsáætlun en í samræmi við uppbyggingaráætlun byggingarfulltrúa.

Valbjörn Geirmundsson frá Fjölneti yfirfór netbúnað skólans og tók niður gamalt og úrelt og setti nýjan swiss í staðinn, stækkaði tenginguna inn í skólann en sú gamla réð ekki við vinnsluna. Hann fór yfir þráðlausa netið og í ljós kom að breyta þarf staðsetningu á sendum, bætt var við einum nýjum vegna þess að þráðlausa netið á skrifstofu skólastjóra og næstu stofu var það alversta á svæðinu. Valbjörn skilaði skýrslu til sveitarstjóra þar sem bent er á fleiri hluti sem þyrfti að laga í skólanum.

Starfsmannamál voru í vinnslu og í lok júlí var auglýst eftir íþróttakennara.

Framundan

Í ágúst er dagskráin þétt og mikið starf framundan. Stefnan er tekin á ráðstefnu um skólaþróun, undirbúningsdaga starfsmanna grunnskólans 15. – 19. ágúst og skólasetningu 22. ágúst

Frá forstöðumanni Íþróttamiðstöðvar – Hrafnhildur Skúladóttir

Júlí

- Hefur verið mjög mikið að gera, innkoma í heildina fyrir íþróttamiðstöð og tjaldstæði fyrir júlí var rúmlega 4,5 milljónir sem er um 1,1 milljón hærra en fyrir júlí í fyrra. Gistinætur á tjaldsvæðinu 1914. Þessari aukningu hefur verið mætt með sama starfsmannafjölda og verið hefur undanfarin ár. Jafnvel færri vinnustundum því margir voru í hlutastarfi vegna fría. Það sem af er ári er innkoman í heild orðin 8,2 m og vantar þá 900 þús upp á alla innkomu síðasta árs sem var 9,1 m.
- Sumarstarfsfólk hefur staðið sig vel, engin áföll eða uppákomur tengdar starfseminni hafa hrjáð okkur og heilt yfir gengið vel með nýjar starfslýsingar sem innihalda þríf á tjaldstæði til viðbótar öðrum þrífum. Alltaf er eitthvað sem betur má fara þarf sífellt að vera á tánum í sambandi við þríf, því notkunin er svo mismunandi milli daga. Við fengum eina kvörtun um óhreinindi og pappírslaysi sem við tókum mjög alvarlega og reynum að gera enn betur.

- Töluvert var um mannaforföll seinni hluta júlí, óhöpp, veikindi, fæðingarorlof og fólk hætti fyrr en áætlað var. Svólítið púsl var að finna út úr því en það tókst.
- Sá sem ætlaði að laga þakkantinn er steinhættur að svara mér í síma og hef ég athugað með aðra í þessum bransa sem ekkert auðveldara er að fá til starfa. Virðist vera afar mikið að gera hjá þessum fáu sem kunna svona pappabræðslu og er ég helst komin á að við ættum bara að smíða hallandi álgrind ofan á allt flata þakið og klæða hana með aluzinki, sem eru álplötur. Einhvern veginn held ég að það gæti verið varanlegri lausn. Slíkt þarf að ræða. Má kannski ekki vegna útlitsbreytingar og höfundarréttar arkitekta. Skoðum það.
- Guðmundur Þórðarson sem fenginn var til að hlaða grill á tjaldsvæðið í sumar hefur ekkert látið sjá sig svo ég veit ekki hvort af því verður. Ég var búin að finna steipt/hlaðin kolagrill í Byko sem væri kannski bara alveg eins gott að kaupa. Þau kosta ca 100 þús stykkið. Spurning um 2 eða 3. Hlaða/steypa þyrfti svo undir þau. Í grill voru áætlaðar 400 þús kr.



- Bilanir hafa verið minni en voru að hrjá okkur í vor en þó alltaf eitthvað þínu. Eggert sem seldi okkur bakskolunarstútana kom loks að kíkja á hvað væri í ólagi, af hverju læki alltaf í gegnum kerfið við hverja bakskolun og fann út að báðar sandsíurnar fyrir laugina væru samtengdar. Það er, ekki lokar á hvorri leiðslu fyrir sig. Svo að þegar önnur fór í bakskolun truflaði rennsli úr hinni hringrásina sem læstist í ókláraðri stillingu sem svo olli lekanum. Þessir lokar áttu að vera settir á lagnirnar við uppsetningu í upphafi en var ekki gert. Það er mikið mál að rífa þetta í sundur og setja loka svo við leystum þetta með því að tengja rafmagnið á dælurnar saman. Þannig að þegar önnur stoppar til að bakskola þá stoppar hin um leið og streymið um leið. Sem truflar þá ekki hringrás bakskolunar á víxl. Þetta hefur virkað. Í framtíðinni þarf samt að setja einstefuloka á þessar lagnir.
- Við breyttum aðeins anddyrinu og gerðum vísi að kaffistofu/setkrók. Ég keypti ný húsgögn og plöntur til að lífga aðeins upp og það hefur mælst vel fyrir. Ég bætti aðeins í söluvöruna og nú er hægt að kaupa te og kakó auk kaffis. Ávexti og orkustykki. Ásamt drykkjum og ís sem verið hefur.
- Öllum öðrum en starfsmönnum á vakt er nú bannaður aðgangur að öllu innra rými fyrir innan afgreiðsluborð en almenningi velkomið að fá sér kaffi fyrir framan. Það hefur gengið vel.
- Við erum heilt yfir sátt með sumarið og vonum að gangi vel áfram.

Vegna sumarfría eru ekki skýrslur frá fleiri forstöðumönnum að sinni